

შაზი ღა ღვინო

წელიწადი პირველი.

№ 9

1—15 გვართვე 1920 წ.

№ 9

შ ი ნ ა ა რ ს ი:

1. მოწინავე ს. ჩოლაყაშვილი.
2. ღვინის წარმოშობა მის. შალამბერიძე.
3. წესდება
4. ღვინის კანონ-პროექტი
5. პრესა. ნარ-ზენი.

ჟურნალის გამოცემის პირობები:

ჟურნალი ჯერჯერობით გამოვა ორ კვირაში ერთხელ, არანაკლებ 16 გვერდისა. ხითო ნომრის ფასი საბჭოს მიერ განსაზღვრულია 50 მან. ამ ფასით ჟურნალის გამოწერა შეიძლება **სამი თვით**.



ჟურნალის რედაქცია იმყოფება საბჭოს ბინაზედ—თბილისი, ბარიატინსკის ქუჩა № 5.

კოოპერატიული
კახეთის ვინაი



Кახетинское Кооперативное Вина
«СОЮЗЪ СОЮЗОВЪ»
Виноградарей Кახети

თ ბ ი ლ ი ს ი რუსთაველის ქუჩა № 33
კახეთი, სადგური „მუკუზანი,“ კახეთის რკინის გზა.

„კავშირთ-კავშირი“ დაარსებულია 1918 წელს. წესდება დამ-
ტკიცებულია თბილისის საოლქო ხასამართლოს მიერ 1919
წლის 8 თებერვალს. „კავშირთ-კავშირში“ შედიან ველიცხისის,
გურჯაანის და კარდანახის შემნასველ გამსესხებელი ამხანა-
გობანი 4400 წვერით, რომელთაც 4200 დესეტინა ვენახი აქვთ.

„კავშირთ-კავშირის“ გამგეობა, მთავარი კონტორზ და საწ-
ვობი მოთავსებულია საკუთარ ბინასვედ კახეთის რკინის გზის
სადგურ მუკუზანთან.

საქურადლეგოდ.

ქალაქის და მუშა ხელის გაძვირების გამო დღეიდან უურნალი

„ვაზი და ღვინო“

ელირება 50 მანეთი

თბილისი 1920 წ. 15 მკათათვე

ჩვენი ორკვირეულის დღევანდელ ფურცლებზე იბეჭდება საქართველოს მეღვინე-მევენახეთა ყრილობათა საბჭოს მიერ შემუშავებული წესდება სრულიად საქართველოს მეღვინე და მევენახეთა ყრილობებისა.

საბჭომ ეს წესდება შეამუშავა თანახმად წარსული წლის 23 გიორგობისთვის მოწვეულ კონგრესის დავალებისა, რომელმაც მკაფიოდ აღნიშნა სულის კვეთება ყველა ჩვენი ვაზის მუშისა და დაადგინა, რომ თვით მევენახეთ შეექმნათ ისეთი ორგანიზაცია, რომელიც გაუძღვებოდა ამ დარგის ყველა საქიროებას.

ასეთი ორგანიზაციის შექმნა გამოიწვია ცხოვრებამ; ყოველივე ექვს გარეშე და უდაოა ის დებულება, რომ ცხოველ და დიდ საქმეს გასაძღოლოთ, თვით საქმის ქირსიუფალნი უნდა ედგნენ სათავეში და ლელო თვით გაიტანონ.

არცერთი წამი დასავიწყარი არ არის, რომ დღევანდელი ჩვენი მევენახეობა-მეღვინეობა დიდ კრიზისს უახლოვდება და თუ სათანადო აღლო არ აელო, შეიძლება მდგომარეობა შეიქმნეს აუტანელი.

ზეზეურათაც რომ გავითვალისწინოთ აწინდელი მდგომარეობა ამ უპარეს დიდ მნიშვნელოვან დარგისა, დავინახავთ რომ ჩვენი ღვინოები დაგუბებულია, რადგან მათი დღევანდელი ღირსება ვერ აკმაყოფილებს გარეშე ბაზარს და, თუ სხვა წესით

დამუშავებას და ნაწარმოების გაუმჯობესობას არ მიეყავით ხელი, არც მოსალოდნელის რომ ფართე გარეშე ბაზარი მოვიპოვოთ. ასეთი მდგომარეობა არამც თუ დასცემს ამ დარგს, არამედ სახელმწიფო და საზოგადოებას მეტ ხოცვით მოევლინება, რადგან წლიურათ საზღვარგარეთიდგან მარტო შაბაძან-გოგირდის შემოტანა რამდენიმე ათეულ მილიონისაა საქირო და ამის ღირებულების ღვინოც რომ არ გავიტანოთ საზღვარ-გარეთ, ამ მასალების ღირებულება სახელმწიფო საღაროს აუნაზღაურებელ ზარალათ უნდი დააწვეს.

დღევანდელი კახეთის ჩინებული ვენახები, რომელიც ზურმუხტის ფრათ აბინებულნი ალაზნის ველის ბექობებზე გადაჭიმულან და ზღაპრულ წალკოტს მოგაგანებენ, ათიოდე წლის შემდეგ უყავო ქვეყანად იქცევა, ამდენად ბევრ ალაზას არი აღმოჩენილი ფილოქსერა; ერთერთი საშუალება კი, ამერიკულ ვაზზე მათი გადაშენება არსად სწარმოებს—რევოლიუციის ქარიშხალმა ჩანთქა და გაანადგურა ჩვენი ქვეყნის ამერიკული ვაზის სანერგეები და დღეს არც კი მოგვეპოება საშუალება სადმე ვიშოვოთ გინდ მესხედი ნაწილი იმ ვაზისა, რაც გვჭირდება; საქიროა ამერიკული ვაზის სანერგეების აღდგენა და გაფართოვება.

ვენახების მოსაწამლი მასალები და იარაღები ევროპიდან მოგვიდის; ვიდრე ვაზის მუშას მიაღწევს, ათიოდე ხელში გადადის და ადგილობრივ მამასისხლის ფასად იყიდება, რის შედეგია ბევრჯელ ვენახების ან სრულიად ან ნაკლებ მოწამვლა და ამის გამო მოსავლის დაღუპვა.

ჩვენი მევენახეობა-მეღვინეობის რაციონალურ ნიადაგზე დასაყენებლად საქიროა ამ დარგის შესწავლა გამოკვლევა მეცნიერული თვალსაზრისით და ამის მი-

ხედვით მევენახეთა წრეებში შეტენა ამა-
თუ იმ ცვლილებისა.

კანონმდებლობა, რომელიც ვაზს და
ღვინოს ეხება, დადასტურებული უნდა იყ-
ოს თვით ამ დარგის მომუშავეთაგან და ყო-
ველ შემთხვევაში არ უნდა ეღობებოდეს
ამ დარგის გაფართოება გაუმჯობესებას.

ჩვენ წვრლმვენახეთა ახალშობილ
შექმნის მოწყობილი სარდაფები ღვინის
დაყენების და შენობების გასაუმჯობესებ-
ლად; ამისთვის საჭიროა ძლიერი კოოპე-
რაციული ამხანაგობათა მოწყობა და ხელ-
მძღვენელობა.

აი ყველა ამაზედ და ბევრ სხვა მე-
ვენახეთა და მეღვინეთა აუცილებელ სა-
ჭიროებაზედ მოუხდება ზარუნვა იმ ორგა-
ნოს, რომლის წესდებების პროექტიც ჩვენ
დღევანდელ ორგანოში იბეჭდება.

საბჭო დაიხედებულა, რომ ჩვენი ქვეყ-
ნის მესვეურნი სავსებით გაუწევენ ანგა-
რიშს ამ თვით ცხოვრებისაგან გამოწვეულ
დაწესებულების შექმნას, რომელიც იზ-
რუნავს მევენახეთა-მეღვინეთა წარმო-
ების მოგვარებასა და განვითარებაზე; და
შემოდგომაზედ, როდესაც დამფუძნებელ
კრებას მოხსენდება დასამტკიცებლათ
წესდება სრულიად საქართველოს მეღვინე
და მევენახეთა ყრილობებისა, იგი ერთხ-
მათ მიღებული იქნება. დასავლეთ ევრო-
პაშიც, აფრანგეთში და გერმანიაში, თუ
დღესდღეობით მევენახეთა-მეღვინეთა
უმჯობეს განვითარების საფუძვრს მიად-
წესებულა. ახლოდ თვით ამ დარგში მომუშა-
ვეთა შეკავშირებით და საკუთარ ძალდო-
ნით საქმის მიგვარებით მოახერხა.

ს. ჩოლაყაშვილი.

ღვინის წარმოება.

ღვინის მომწიფება.

ჩვენში ტკბილის დუღილიც და ღვინის
დამწიფებაც ქვევრში ხდება. როგორც უკ-
ვე წინანდელ წერილში მოვიხსენიეთ,
ღვინის დამწიფებისათვის საჭიროა ჰაერი,
ან უკეთ რომ ვსიქვათ, მისი ჟანგბადი,
და ვეჭვობ, რომ ამ ჰაერის ჟანგბადს რა-
მე გავლენის მოხდენა შეეძლოს ჩვენებუ-
რად მიწაში ჩაფლულ ქვევრებში შენა-
ხულ ღვინოზე. ვგონებ დარწმუნებით შეი-
ძლება ითქვას, რომ ღვინოების ჩვენე-
ბურათ დაყენება და შენახვა უცნირუ-
ლად ჯერ სრულიად არ არის გამოკვლე-
ული, და არც თუ გონივრული გამოც-
დილება და დაკვირება აღუნიშნავს ვის-
მეს. შესაძლებელია, ჩვენში არსებულ პი-
რობებში უპირატესობა თუ არა რამე შესა-
ძინევი ღირსება ჰქონდეს ქვევრებში ღვი-
ნის შენახვას, მაგრამ ამის შესახებ ცნო-
ბების უქონლობის გამო არ შეიძლება
გადაწყვეტით რისამე თქმა.

განყენებულად მეციერულათ კი თუ
ვიმსჯელებთ, იმის მიხედვით რაც ევრო-
პიელ სწავლულთა მეღვინეებმა მრავალ-
წლობითი გამოცდილებით დასკვნეს, თამა-
ზად შეიძლება ითქვას, რომ ჩვენებურად
ქვევრებში დაყენებული ღვინოები, რაც
უნდა კარგ ჯიშის, კარგად მოწეულ ყურ
ძნიდან და კარგ მეღვინესაგან იქმნას იგი
დაყენებული, ვერას დროს ვერ შეედრება
იმავე ღვინოს, თუ ის ევროპიულად იქმ-
ნა დაყენებული და კოდაში (ბოჩკაში)
შენახული.

სწორედ ამის გამო არა ერთხელ თქმუ-
ლა და დაწერილა, თუნდაც ამავე ჩვენს
„ორკვირეულში“, რომ, თუ ჩვენ კარგ
თვისებიანი და ღირსების ღვინო გვინდა

გვეკონდეს, რომელსაც ჩვენს სახელმწიფოს საზღვრების გარეთ უცხო სახელმწიფოთა ბაზარზედაც ექნება გასავალი, უექველად ჩვენებურად ყოველნაირი ღვინის კლერტებიან ქაჭზე დაყენებაზე და ქვევრებში ღვინის შენახვაზე უარი უნდა ვთქვათ.

ამიტომ უმაჩლესად ვთხოვ მკითხველს მხედველობაში იქონიოს, რომ შემდეგში ყველა ცნობები შეეხება კოდებში (ბოჩკა) შენახულ ღვინოს

ყოველნაირ ხის უხილავ აგებულებას უჩინმაჩნით (მიკროსკოპით) რომ დავაკვირდეთ შევნიშნავთ, რომ იქ მრავალი თვალთათვის უხილავი მიღები მოიპოვება სხვადასხვა მიმართულებით გავლილი. ზოგ ხის ჯიშს უფრო მსხვილი აქვს ეს მიღები, ზოგს კი უფრო წვრილი. ამისთანა წვრილ მიღებს ისეთი თვისება აქვს, რომ, თუ მათი ბოლოები რამე თხიანს მოვახვედრეთ (თხიანში ჩავდეთ), მალე ისინი მთლად გაივსებიან და თხიანი ამ წვრილ მიღების მეორე ბოლოში გამოჩნდება; რადგან ასე ვთქვათ ეს მიღები ისრეტავენ თხიანს, ამიტომ აშვარ მიღებს ეწოდება სვრეტები; ხოლო ის ხე ან სხვა რამ ნივთი, რომელსაც მრავალი ამისთანა სვრეტები მოექმნება, იქნება სვრეტოვანი.

და როგორც ღვინო ხის რამე ქურქელშია (კოდაში, ბოჩკაში) მოთავსებული, აი სწორედ კოდის ხის ამ სვრეტოვან კედლებში გადის ღვინო და ორთქლდება. მაგრამ ღვინის თბიდანდი (ტემპერატურა) კოდაში (ბოჩკაში) და იმ გაჩემოს ჰაერის თბიდანდი, სადაც ღვინით სასეე კოდა იმყოფება მუდამ ერთი და იგივე არ არის. ჩვენ ვიცით, რომ ჰაერის თბიდანდი (ტემპერატურა) არა თუ ზამთარ ზაფხულ, დღე და ღამეშიაც კი ძალიან იცვ-

ლება. მართალია, კარგს მარანში ისეთი დიდი ცვლილება არა ხდება თბიდანდისა, როგორც გარეთ ჰაერზე, მაგრამ პატარა ცვლილება იქაც მინც ყოველთვის არსებობს.

როდესაც მარანში ჰაერი გათბება, გათბება კოდის (ბოჩკის) კედლებს და კოდის გამთბარი კედლები გააზობს ღვინოსაც, ეს გათბობა შეიძლება ისე მკირე იყოს, რომ ზეეეე დაკვირვებით თბიზომზედაც (ტერმომეტრი) ვერ შეკამჩნიათ. ჩვენ ვიცით, რომ გათბობით ყოველნაირი სხეული, მათ შორის ჰაერიც და ღვინოც, ფართოვდება (და სიმკვრივესაც იკლებს). კოდაში მოთავსებული ღვინო და ჰაერი ამ გათბობისაგან გაიწვევენ და თუ კოდას (ბოჩკას) პირი დაცობილი აქვს, შიგ შეიძლება ისეთი წნევა (დაწოლა) გაჩნდეს, რომ საცობი ამოაგდოს. ყოველ შემთხვევაში, ბევრი თუ ცოტა ჰაერი (თუ კოდა სასეე არ არის, რასაკვირველია, შიგ ჰაერიც იქნება) და ღვინო კოდიდან (ბოჩკიდან) სვრეტოების შემწეობით გამოვა. საშავიეროდ, როცა მარნის ჰაერის თბიდანდი (ტემპერატურა) დაიწვეს, ცოტათი გაცივდება, გაცივდება აგრეთვე კოდაში მოქცეული ჰაერიც და ღვინოც. ჩვენ ვიცით, რომ გაცივებით ყოველი სხეული, და მათ შორის როგორც ჰაერი აგრეთვე ღვინოც იკუმშება და ნაკლებ ადგილს იკერს. ამიტომ კოდაში, ასე ვთქვათ, თავისუფალი ადგილი გაჩნდება და, რადგან გაუდან კოდის კედლებზე მეტი ჰაერის წნევა (დაწოლა) იქნება ვიდრე შიგ კოდაში, გაუდან ჰაერი (ჩვეთვის მნიშვნელოვანია ჰაერში არსებული ფინგბადი) შვეა კოდაში — თუ საცობი ახლილი აქვს ამ პირიდან, თუ არა და სვრეტოების შემწეობით მეტის თუ ნაკლების

სისწრაფით — გაერგვა ღვინოს და იმოქმედებს მასზე.

ნათქვამიდან ცხადია, რომ რაც უფრო მაღალი თბილანდი (ტემპერატურა) იქნება და სწრაფად შეიცვლება მარნის ჰაერი, რაც უფრო მშრალი იქნება ეს ჰაერი და პატარა კოდებში (ბოჩკებში) შეინახება ღვინო, — მაშასადამე ღვინის აორთქვლას და ჰაერის მოქმედებას მეტი ასპარეზი ექნება დატოვებული; — ამასთანავე რაც უფრო თხელი კვლეები ექნება კოდის (ბოჩკის) და ნაკლებად მკვრივ მასალიდან იქნება ის გაკეთებული, ღვინო უფრო სწრაფად მომწიფდება, ვიდრე წინააღმდეგ პირობებში.

მომწიფებულად ითვლება ღვინო, როდესაც მას უკვე მოპოვებული, განვითარებული აქვს ყველა თავისი დამახასიათებელი თვისებები და ხანგრძლივად შეიძლება შეინახოს იგი. ასეთი ღვინო რომ ცოტახანობით ჰაერზე ახლილად დარჩეს, არ უნდა შეიცვალოს: არც გარემოს სითბოს ცვლენებამ უნდა იმოქმედოს მასზე და, პირდაპირულ კუთქელში რომ დიდხანს შეინახოთ, არც იქ უნდა აღმღვას ან ნალექი რამ გააჩინოს. ყოველივე ეს დამოკიდებულია, როგორც ტკბილის სრულ დაღუღებაზე (ამის შესახებ უკვე გვქონდა საუბარი) აგრეთვე ჰაერის მოქმედებაზე. ჰაერი ჟანგავს ღვინის ზოგიერთა შემადგენელ ნაწილს, მათ უხსნელად აქცევს და ჰლექავს. მაგრამ როგორც საზოგადოდ, აქაც ზომიერებაა სავალდებულო ღირსეულ თვისებებთან ღვინის მიღებისათვის, თუ ჟანგბადმა საჭიროებაზე ხანგრძლივად იმოქმედა ღვინოზე, შესაძლებელია მრავალი ძვირფასი თავისი თვისება დაჰკარგოს ღვინომ. რამდენადაც ჰაერის ჟანგბადი ახალს, მღვრიე და ცვალებად ღვინოს, სწმენდავს, ამწიფებს და ამტკიცებს, იმდენადვე იგი შემდეგ ართმევს მას მის კეთილშობილურ თვისებებს და, ასე ესთქვათ, აბერებს ამგვარად ღვინოს. რასაკვირველია იმის მიხედვით, თუ რა გვარი მასალიდან გვაქვს

ჩვენი ახალი ღვინო მიღებული და როგორი ღვინის გამოყვანა გვინდა, მეტად ან ნაკლებად ხანგრძლივ უნდა შევინახოთ ღვინო კოდებში (ბოჩკებში) მათზე ჰაერის მოსაქმედებლად. ამის გამო საჭიროების მიხედვით ღვინოს ინახვენ ხან დიდრონს კოდებში და ხან პატარებში, ხან გრილ სარდაფებში და ხან კი თბილს ადგილზე, ხან ახლად გაკეთებულს კუთქელში ასხამენ, რომელსაც შიგნით ღვინის ქვა არა აქვს კვლეებზე დალოქილი (ამისთანა კოდაში ჰაერი უფრო ადვილად იმოქმედებს ვიდრე ძველ კოდაში, რომლის სფერტოებიც ღვინის ქვით არის ამოქედილი), ხან ამისთანა კოდის (ბოჩკა) ზეთს ან ლაქსაც კი წაუსვამენ ხოლმე, რომ ჰაერმა არ იმოქმედოს ღვინოზე და — ამ საკითხის გადაწყვეტა თითქმის სულ მთლად გამოცდილ მეღვინის ხელოვნებაზეა დამყარებული.

კოდაში (ბოჩკაში) შენახვის დროს ღვინო, როგორც ყველამ იცის, ცოტ ცოტა შრება. გაშრობილ ღვინის რაოდენობა კარგს სარდაფებში წლიურად უდრის $1\frac{1}{4} - 4\frac{0}{10}$ -ს. თავისთავად ცხადია, რომ ეს გაშრობის რაოდენობა პირდაპირ დამოკიდებულია იმ ადგილის სითბოს სიმართლზე, სადაც შენახულია ღვინო. მაგრამ პასტერმა იპოვნა აგრეთვე დამოკიდებულება კოდის (ბოჩკა) სიდიდის და გაშრობის შორის. მისი დაკვირვებით წლიურათ ჰკარგავს ღვინოს

150 ლიტ (=12 $\frac{1}{2}$ ვედ.)	კოდა —	3,5 $\frac{0}{10}$ -ს
500 "	(=41 $\frac{1}{2}$ ")	" — 2,5 $\frac{0}{10}$
1800 "	(=150 ")	" — 1,7 $\frac{0}{10}$

ამ გვარად, რაც უფრო დიდია კოდა მით უფრო ნაკლები ღვინო იკარგება გაშრობით.

დაშრობისგან დანაკლებულ ღვინოს წესიერად შევსება უნდა ყოველთვის, თორემ მას ადვილად გაუჩნდება ობის ან ძმრის მცია და ჩქარა წახდება.

მის. შალამბერიძე.

(გაგრძელება იქნება)

შეცდომის გასწორება.

„ვაზი და ღვინო“-ს № 8, გვ. 8, სტრიქ. ხემ. 8 სწერია: დუღილი უდროოდ ნელდება და ხშირად ჩერდება კიდევ; თუ თბიდანმა (ტემპერატურამ) 25- 25-ს მიაღწია. უნდა იყოს: თუ თბიდანმა (ტემპერატურა) 25-ს ზე მალა აიწია, დუღილი უდროოდ ნელდება, და შესაძლებელია სულ მთლადაც გაჩერდეს, თუ თბიდანმა (ტემპერატურამ) 40—50° მიაღწია, რაც ხშირადა ხდება ცხელ ქვეყნებში.

მ. შ.

წესდება

სრულიად საქართველოს მეღვინე და მევენახეთა ყრილობებისა.

I. ყრილობათა დანიშნულება.

§ 1. საქართველოს მეღვინეობასა, მევენახეობასა და ღვინით ვაჭრობასთან დაკავშირებულ საკითხთა განსახილველად და (გასაძლოად) ქ. თბილისში იმართება ყოველწლიური ყრილობები სახელწოდებით „საქართველოს მეღვინე-და მევენახეთა ყრილობა“.

§ 2. ყრილობა ისახავს მიზნათ: შეაკავშიროს საქართველოს მეღვინე-მევენახენი საერთო ინტერესების დასაცავად თვითმმართველობის საფუძველზე ხელი შეუწყოს მეღვინეობა-მევენახეობის გაუმჯობესებას, მევენახეთა ეკონომიურად აღორძინებას და ღვინით ვაჭრობის მოწესრიგებას სახელმწიფოს ინტერესების მიხედვით.

§ 3. მეორე მუხლში დასახული მიზნების განსახორციელებლად ყრილობა სთვლის თავის დანიშნულებად:

ა. მეღვინეობა-მევენახეობის და ღვინით ვაჭრობის განვითარებისათვის სასარგებლო დაწესებულებათა შექმნას, წარმოებას და მათთვის დახმარების აღმოჩენას.

ბ. მთავრობის, სახელმწიფო, საეროობო და საზოგადო დაწესებულებათათვის დახ-

მარებას იმ საშუალებათა გამოკვლევაში და განხორციელებაში, რომელნიც ხელს შეუწყობენ მეღვინეობა-მევენახეობის და ღვინით ვაჭრობის განვითარებას საქართველოში.

გ. დამუშავება და გატარება ცხოვრებაში კანონმდებელ და სახელმწიფო დაწესებულებათა საშუალებით იმ კანონებისა და განკარგულებებისა, რომელიც უზრუნველ ჰყოფენ მშობლიო მევენახეობის და მეღვინეობის განვითარებას.

დ. მეღვინეობა-მევენახეობაში საჭირო და სასარგებლო ცოდნათა გავრცელებას სკოლების, სახელმძღვანელოთა და სპეციალურ ჟურნალ გაზეთების გამოცემის, სახალხო ლექციების, ინსტრუქტორების დანიშვნის თუ თათბირების მოწყობის საშუალებით, გამოფენათა და ნაწარმოების ან იარაღ-მანქანების შეჯიბრებათა გამართვას.

ე. მეღვინეობა-მევენახეობისათვის საჭირო სტატისტიკურ და სხვა ფაქტიურ მდგომარეობის შესახებ ცნობების შეკრება-გამოქვეყნებას და ყველა დაწესებულებათა წინაში შუამდგომლობათა აღძვრას.

ვ. ვენახების სივრცის მომატებაზე, ფილოქსერისაგან განადგურებულ ვენახების აღდგენაზე და ამ მიზნით საცდელ-საჩვენებელ სადგურების და სანერგეების მოწყობაზე ზრუნვას.

ზ. ვენახების დასეტყვისაგან დაზღვევის ორგანიზაციის მოწყობას და სეტყვასთან საბრძოლველ საშუალებათა კვლევა ძიებას და გავრცელებას.

ც. ვაზის და ღვინის ავადმყოფობასთან ბრძოლის წარმოებას, საწამლებელ მასალათა და იარაღ მანქანათა შექმნა-გავრცელებას ხალხში.

თ. ღვინის ფალსიფიკაციასთან ბრძოლას.

ი. სამელიორაციო კრედიტებზე ზრუნვას.

§ 4. წესდებით დასახულ მიზანთა მისაღწევით ყრილობას უფლება აქვს:

ა. იყოლიოს წარმომადგენლები სახელმწიფო, საერო და სხვა საზოგადო დაწესებულებებში და თათბირებში მონაწილეობის მისაღებად იმ საკითხების განხილვის დროს, რომელთაც კავშირში აქვთ მეღვინეობა-მევენახეობასთან, მაგალითად: აქციზის, რკინის გზის და საზღვაო ტარიფის, სპაჟო და სავაჭრო გადასახადების დაწესების ან გადასინჯვის დროს.

ბ. შოაწყოს და აწარმოვოს მეღვინეობა და მევენახეობისთვის და ღვინით ვაჭრობისთვის სასარგებლო დაწესებულებანი და სავაჭრო ხასიათის ორგანიზაციები.

გ. შესარულოს თავის მიზნებთან შეწონილი და ამ წესდებით განსაზღვრული ყოველივე სხვა მოვალეობანი.

§ 5. ყრილობა ცნობილია იურიდიულ პიროვნებად და აქვს კანონიერი უფლება უძრავ-მოძრავი ქონების სყიდვა-გაყიდვისა, დაქირავება-გაქირავებისა, დაგირავება-გადაგირავებისა, ხელშეკრულობათა შეკვრისა, ვალდებულობათა მიღება-გაცემისა, სასამართლოს წინაშე საჩივრის აღძვრის და პასუხის გებისა, შემოწირულება—მემკვიდრეობის მიღებისა; ამას გარდა ყრილობას აქვს უფლება შევიდეს წევრად მის მიზნებისთვის შესაფერ სხვა და სხვა საზოგადოებასა და დაწესებულებებში.

§ 6. ყრილობას აქვს უფლება აიღოს სესხი, რომლის პირობებს საზღვრავს თვით ყრილობა ან მისი დავალებით ყრილობის საბჭო.

§ 7. ყრილობა ექვემდებარება მიწათმოქმედების სამინისტროს და მოქმედობს

მის მზრუნველობის ქვეშ. ხოლო დაწესებულებითი ცნობებს ხარჯთა აღრიცხვის, წლიურ ანგარიშის, მოქმედების გეგმის და სიას ყრილობაში მონაწილე პირთა და დაწესებულებათა შესახებ ყრილობა ყოველ წლიურად უდგენს ცნობისათვის მიწათ მოქმედების და ფინანსთა მინისტრებს.

§ 8. ყრილობის მიწერ-მოწერა სახელმწიფო თუ კერძო პირებთან და დაწესებულებებთან განთავისუფლებულია საღებო და საფოსტო გადასახადისაგან.

§ 9. ყრილობას აქვს ბეჭედი სახელმწიფო ღებრით და წარწერით: „საქართველოს მევენახეთა და მეღვინეთა ყრილობა“.

II ყრილობის შემადგენლობა.

§ 10. ყრილობის სრულუფლებიან წევრებათ ითვლებიან:

1) თითო წარმომადგენელი-მევენახე ყველა იმ თემებისა, რომელნიც აწარმოებენ მევენახეობას. 2) თითო წარმომადგენელი მევენახეობის რაიონის ყველა საკრედიტო კოოპერატიულ ორგანიზაციებისა. 3) თითო წარმომადგენელი ყველა მევენახეობის რაიონების სამაზრო ერობებისა. 4) ერთი წარმომადგენელი ერობათა ცენტრისა. 5) თითო წარმომადგენელი ქ. თბილისის, ქუთაისის და ყველა სხვა ქალაქების თვითმმართველობებისა. 6) ერთი წარმომადგენელი საქართველოს სასოფლო სამეურნეო საზოგადოებისა. 7) წარმომადგენელი მიწათმოქმედების სამინისტროს სასოფლო სამეურნეო განყოფილებისა, საქსოზო უწყების და ფინანსთა სამინისტროსი. 8) ყველა ქალაქთა ღვინით მოვაჭრეთა წარმომადგენლები, მათ შორის: ქ. თბილისიდან-2, ქუთაისიდან-2 და დანარჩენ ქალაქებიდან თითო წარმომადგენელი, და სათათბი-

რო ხმით მეღვინეობა—მევენახეობის ყველა სპეციალისტები და აკრონომები.

შენიშვნა I. უცხო სახელმწიფოთა ქვეშევრდომ პირებს და ფორმებს ყრილობებზე აჩვენებში მონაწილეობის უფლება არა აქვთ.

შენიშვნა II. ღვინით ვაჭართა წარმომადგენლების არჩევნები უნდა მოეწყოს ინსტრუქციის თანახმად, რომელიც შემუშავებული იქნება ყრილობათა საბჭოს მიერ, ხოლო დამტკიცებული ყრილობის მიერ.

III. ყრილობათა საშუალებანი.

II. ყრილობების და მათ მმართველ ორგანოს საბჭოს ხარჯთა გასაძღვლად წესდება შემდეგი გადასახადები: ა. კერძო პირნი, სავაჭრო სამრეწველო დაწესებულებანი, საზოგადოებანი და ამხანაგობანი, რომელნიც ღვინით და ყურძნიდგან მიღებულ მაგარ სასმელებით ვაჭრობის უფლებისთვის იხდიან სააკციზო გადასახადს, ყრილობის სასარგებლოდ დამატებით იხდიან შემოაღნიშნულ გადასახადის 5⁰/₁₀₀-ს. ბ. ის პირნი, სავაჭრო-სამრეწველო დაწესებულებანი, საზოგადოებანი და ამხანაგობანი, რომელნიც იხდიან ვენახებზედ დაწესებულ სახელმწიფო გადასახადს, ყრილობის სასარგებლოდ იხდიან ამ გადასახადების ჯამის 20⁰/₁₀₀-ს.

შენიშვნა 1. ამ პარაგრაფში მოხსენებულ გადასახადების მოკრეფა ევალება სახაზინოებს და სხვა სახელმწიფო დაწესებულებათ და ხდება იმავე დროსა და იმავე წესით, როგორც სახელმწიფო გადასახადების მოკრეფა. ყრილობათა სასარგებლოდ ამ რგვით მიღებული შემოსავალი სახაზინოებმა და ყველა სხვა დაწესებულებებმა უნდა ყოველ თვიურად გადასცენ ყრილობათა საბჭოს სათანადო სიით.

შენიშვნა II. ყრილობათა საშუალებანი და თანხები ინახება საკრდიტო დაწესებულებებში.

§12. §11-ში მოხსენებულ გადასახადების გარდა ყრილობათა საშუალებებს შეადგენენ:

ა. ყრილობათა სხვა და სხვა სავაჭრო დაწესებულებათა და ოპერაციებით მიღებული მოგება.

ბ. პროცენტები თანხებისა და შემოსავალი იმ ქონებისა, რომელიც ყრილობათა საკუთრებას შეადგენს.

გ. მოწმობების, ცნობების და სხვა საბუთების გაცემით მიღებული გადასახადი და

დ. სხვა და სხვა შემთხვევითი შემოსავალი.

§ 13. ყრილობათ ენიჭებათ უფლება შექმნან თავის შემოსავლიდან სხვა და სხვა განსაკუთრებული დანიშნულების თანხები.

§ 14. მევენახეობის, მეღვინეობის, თუ ღვინის ვაჭრობის ხელშემწყობ სხვა და სხვა დაწესებულებათა დასაარსებლად და მოსაწყობად ყრილობათ ენიჭებათ უფლება გამოსცენ, ფინანსთა და ვაჭრობა მრეწველობის მინისტრთა ნებართვით, განსაკუთრებული საობლივაციო სესხი.

IV ყრილობის საქმეთა მმართველი.

§ 15. მეღვინე მევენახეთა ყრილობები ანხორციელებენ დასახულ მიზნებს და მოვალეობებს შემდგომ ორგანიზაციების საშუალებით: ა. წვერთა საზოგადო ყრილობით; ბ. ყრილობათა საბჭოთი და გ. სარევიზიო კომისიით.

შენიშვნა. აღნიშნულ ორგანიზაციების გარდა ყრილობათ უფლება აქვთ შეადგინონ მუდმივი და დროებითი სპეციალური კომისიები, როგორც სხვა და სხვა საკითხების გამოკვლევისა და შემუშავებისათვის, აგრეთვე ყრილობების მიერ დაწესებულ სხვა და სხვა საქმეების გამგებლობისათვის.

ამ კომისიების შემადგენლობა და უფლება-მოვალეობანი უნდა განისაზღვრონ ყრილობის მიერ დამტკიცებულ განსაკუთრებულ ინსტრუქციით.

§ 16. საქართველოს მეღვინე-მევენახეთა ყრილობების და მათ საბჭოს მოქმედების გასაფართოებლათ და ადგილობრივ საქიროებათა დასაკმაყოფილებლათ არსდება მიწათ მოქმედების მინისტრის მიერ დამტკიცებულ განსაკუთრებულ დებულების მიხედვით მცირე სასოფლო მეღვინე-მევენახეთა ერთეულები ორგანიზაციები, რომელნიც ადმინისტრაციულ ერთეულების დახმარებით ხელს შეუწყობენ ყრილობათა საბჭოს თუ მიწათ მოქმედების სამინისტროს მიერ მეღვინეობა-მევენახეობაში აღიარებულ საქირო ღონისძიებათა ცხოვრებაში გატარებას.

ყრილობათა საბჭო; მისი უფლება მოვალეობანი.

§ 17. ყრილობათა ყველა საქმეებს აწარმოებს ყრილობათა საბჭო, რომელიც ბინადრობს ქ. თბილისში და წარმომადგენლობს ყრილობების ყველა საქმეებში და დამოკიდებულებაში სხვა და სხვა პირებთან თუ დაწესებულებებთან. საბჭოს და ცალ-ცალკე მის წევრთა უფლება-მოვალეობას განსაზღვრავს ყრილობის მიერ დამტკიცებული ინსტრუქცია.

§ 18. კერძოთ საბჭოს ვეალება:

ა. შედგენა წესებისა და ინსტრუქციებისა ყრილობათა სხვა და სხვა დარგების განვითარების და მოქმედების შესახებ ყრილობათათვის წარსადგენათ.

ბ. მიღება და გაცემა ფულისა და ყრილობათა ყოველივე საშუალებებისა.

გ. ვექილების ან სხვა ვალიან ვალდებულობათა გაცემა ყრილობის მიერ ნებადართულ ფარგლებში.

დ. ყოველგვარ პირობათა და ხელშეკრულობათა დადება ყრილობების სახელით.

ე. სხვა და სხვა პირთათვის რწმუნებათა და ვექილობის მიცემა.

ვ. საქირო უძრავ-მოდრავი ქონების და საქონლის სყიდვა-გაყიდვა, მათი დაგირავება-გადაგირავება და ყრილობათა ქონების დაზღვევა.

ზ. საქირო ბინების და საწყობების დაქირავება.

ც. მოსამსახურეთა მიღება-დათხოვნა და მათი მუშაობის და მოვალეობის განსაზღვრა.

თ. შედგენა ცალკე კომისიებისა იმ შემთხვევაში, როდესაც ეს უფლება მინიჭებული აქვს საბჭოს ყრილობების მიერ

ი. ანგარიშების წიგნების და ყრილობათა მიწერ-მოწერის წარმოება.

ია. წლიურ ანგარიშების ხარჯთ-აღრიცხვის და მოქმედების გეგმათა შედგენა და მათი წარდგენა ყრილობათათვის.

იბ. წევრთა საერთო ყრილობების მოწვევა და საზოგადოთ გამგებლობა ყველა საქმეებისა, რომელნიც ეკუთვნის ყრილობათა დანიშნულებას, მათ მიერ არიან საბჭოსადმი დავალებულნი, და ყველა სხვა მოვალეობანი, რომელნიც არსებითად გამომდინარებობენ ამ წესდების შინაარსიდან.

§ 19. საბჭო შესდგება არა ნაკლებ შვიდი წევრისაგან. მათ შორის თავმჯდომარის და მის ახანაგისაგან, რომელთაც ირჩევს ყრილობა მეღვინე-მევენახეთა შორის საპი წლის ვადით. მათ ყრილობის დადგენილებით შეიძლება დაენიშნოთ ჯილდო.

შენიშვნა. ასარჩევ თანამდებობაზედ შეიძლება იყვნენ არჩეულნი მხოლოდ საქართველოს ქვეშევრდომნი.

§ 20. საბჭოს წევრთა გარდა ყრილობა ირჩევს იმავე წესით სამ კანდიდატს, რომ დროებით დაიკავონ საბჭოს წევრის ალანგი, თუ რომელიმე მათგანი დროებით ან სამუდამოთ გამოვა საბჭოდან.

შენიშვნა. კანდიდატი ასრულებს საბჭოს წევრის მოვალეობას იმ ვადით, რა ვადათაც იყო არჩეული თვით საბჭოს გასული წევრი.

§ 21. ყოველ წლიურად საბჭოს წევრთა და მათ კანდიდატთა მესამედა სტოვებენ სამსახურს ამორჩევის უფროსობით. პირველ ყრილობაზე არჩეულნი საბჭოს წევრნი და მათი კანდიდატები პირველ ორ წელიწადს კენჭის ყრით გამოდიან, გარდა თავმჯდომარისა, რიამელიც სამ წელიწადს ასრულებს; გამოსული წევრი საბჭოსი შეიძლება ხელმოკრეთ აირჩიონ.

§ 22. საბჭო თავის წევრთა შორის ირჩევს თავმჯდომარეს, მის ამხანაგს, ხაზინაძარს და, საზოგადოთ, ანაწილებს წევრთა შორის მოვალეობებს.

§ 23. საბჭო იკრიბება საჭიროებისამებრ, მხოლოდ არა ნაკლებ, ვიდრე კვირაში ერთხელ; საბჭოს სხდომა კანონიერია, თუ მას დაესწრო თავმჯდომარე ანუ მისი ამხანაგი და სამი წევრი; საბჭოს სხდომაზე საკითხები სწყდება ხმის უბრალო უმეტესობით, იმ შემთხვევაში თუ ხმები თანაბარია თავმჯდომარის ხმა სწყვეტს საკითხს, საბჭოს დადგენილებანი იწერება განსაკუთრებულ წიგნში და დამსწრე წევრნი აწერენ ხელს.

§ 24. ყოველ გვარ მიწურ-მოწერას საბჭო აწარმოებს ყრილობის სახელით და საბჭოს თავმჯდომარის ან მისი ამხანაგის ხელის მოწერით.

§ 24. თამასუქები, რწმუნებულებანი, ხელწერილები, ხელშეკრულებანი, ნასყიდობის ქაღალდები და სხვა აქტები, აგრეთვე საკრედიტო დაწესებულებებიდან ყრილობათა თანხების მიღების მოთხოვნილებანი, უნდა იყოს ხელმოწერილი საბჭოს თავმჯდომარის ან მისი ამხანაგის და კიდევ საბჭოს ერთ-ერთ წევრის მიერ. ფოს-

ტიდან ფულის ამანათის და საბუთების, აგრეთვე შესანახად შეტანილ სარგებლიან ქაღალდების და კუპონების მისაღებათ საკმარისია ხელის მოწერა საბჭოს ერთი წევრისა ყრილობათა ბეჭდის დასმით.

§ 26. საბჭო ხარჯავს ფულს თანახმათ ყრილობის მიერ მიღებულ ხარჯთ აღრიცხვისა; ყრილობამე უნდა განსაზღვროს იმ ხარჯის რაოდენობა, რომლის დახარჯვაც საბჭოს შეუძლიან ხარჯთაღრიცხვის ზედმეტათ—ვინიცობა ხარჯი მოულოდნელი და გადაუღებელია, — ამ შემთხვევაში საბჭოს წევრნი პასუხის მკებელნი არიან ყრილობის წინაშე; ამ გვარი ხარჯის გაწევა საბჭომ უნდა გადასწყვიტოს თავის შემადგენლობის არა ნაკლებ ორი მესამედის ხმით.

V. ანგარიში და რევიზია.

§ 27. საბჭო ვალდებულია შეადგინოს ყოველ განვლილი წლის წლიური ანგარიში და მისი თანხების ტრიალის ბალანსი. აგრეთვე უნდა შედგენილ იქმანს ხარჯთ აღრიცხვა და გეგმა მოქმედებისა მომავალი წლისათვის; ხოლო ყველა ესენი ყრილობას წარედგინება დასამტკიცებლად სარევიზიო კომისიის მიერ განხილვის და შესწორების შემდეგ.

შენიშვნა. ანგარიში უნდა იყოს შედგენილი და საბჭოსა და სარევიზიო კომისიის მიერ ხელმოწერილი არა უგვიანეს ორი კვირისა ყრილობის დღემდე; რომელსაც ეს ანგარიში უნდა წარედგინოს. ამ ორი კვირის განმავლობაში ანგარიში განსაზღვრულ დროს საბჭოს ბინაზე მსურველთათვის ღია უნდა იყოს გადასათვალიერებლად.

§ 28. ყრილობათა საანგარიშო წელიწადი იწყება ნოემბრიდან და თავდება 31 ოქტომბერს; თუ ყრილობა შესდგება საან-

გარიშო წლის განმავლობაში პირველი საანგარიშო წელი ითვლება მოქმედების დაწყებიდან 31 ოქტომბრამდე მიმდინარე წლისა.

§ 29. სარევიზიო კომისიის ყრილობა ირჩევს არა ნაკლებ სამი წევრისა და ორი კანდიდატისაგან ერთი წლის ვადით იმ პირთა შორის, რომელნიც არ შედიან საბჭოს შემადგენლობაში და არც რაიმე თანამდებობა უკავიათ ყრილობათა საქმეებში.

§ 30. სარევიზიო კომისიის ვეალება მოჰავალ ყრილობის დღემდე ერთი თვით ადრე გადასინჯვა წარსული წლის ანგარიშების ბალანსისა და მათთან დაკავშირებულ დავთრების სტუთების და ანგარიშებისა, რომელნიც თავისი დასკვნით შეაქვს ყრილობაზე. სარევიზიო კომისიის აქვს უფლება აგრეთვე მოულოდნელი რევიზიისა.

§ 31. სარევიზიო კომისიის მოქმედების გასაჩივრება შეიძლება მხოლოდ თვით ყრილობასთან, ხოლო საჩივარი მიეცემა სარევიზიო კომისიას, რომელმაც იგი თავისი დასკვნით უნდა წარუდგინოს უახლოეს ყრილობას.

VI. ყრილობები.

§ 32. ყრილობები არის ჩვეულებრივი ანუ წლიური და არაჩვეულებრივი; ჩვეულებრივ ყრილობას საბჭო იწვევს ყოველ წელს არა უგვიანეს თებერვლისა წარსული წლის ანგარიშის, შემდეგი წლის ხარჯთაღრიცხვის და მოქმედების გეგმის განსახილველად და დასამტკიცებლად და აგრეთვე საბჭოს წევრების, მათი კანდიდატების და სარევიზიო კომისიის ასარჩევად. ყრილობაზე ირჩევა და სწყდება სხვა საკითხებიც, რომელნიც საბჭოს უფლებას აღემატებია ან და აღძრულნი იქნებიან თვით ყრილობის მიერ.

§ 33. არაჩვეულებრივ ყრილობას იწვევს საბჭო ან თავისით, ან ყრილობის ათი წევრის ან და სარევიზიო კომისიის მოთხოვნით; ამ გვარი მოთხოვნით ყრილობათა წევრებისა ან სარევიზიო კომისიისა სისრულეში უნდა იყოს მოყვანილი საბჭოს მიერ არა უგვიანეს ორი თვისა დღიდან საბჭოში, ყრილობის მოწვევის შესახებ, განცხადების შეტანისა.

§ 34. ყრილობის პრეზიდიუმს ირჩევს თვით ყრილობა; მის არჩევამდე ყრილობას ხელმძღვანელობს საბჭოს პრეზიდიუმი.

§ 35. ყრილობის სხდომა კანონიერია, თუ მას დაესწრო არა ნაკლები ყრილობათა ყველა წევრთა მეთაფი რიცხვისა; ვინცობა ეს წევრთა მეთაფი რიცხვი ყრილობაზე არ დაესწრო, ოცდაოთხს საათის შემდეგ ინიშნება პირველი კრების მაგიერ მეორე კრება, რომელიც კანონიერია მიუხედავად დასწრე წევრთა რაოდენობისა.

§ 36. ყრილობის მიერ განსახილველი ყველა საკითხი უნდა იყოს შეტანილი ყრილობაში თვით საბჭოს მიერ. ამიტომ წევრმა, რომელსაც სურს ყრილობაში რაიმე საკითხის შეტანა, უნდა წერილობით მიჰპართოს საბჭოს არა უგვიანეს ათი დღისა ყრილობის დღემდე; ეს წინადადება-განცხადება საბჭომ უნდა წარუდგინოს ყრილობა თავისი დასკვნით.

§ 37. ყრილობის დადგენილებანი უნდა იყოს შეტანილი ოქმში, რომელსაც ხელს აწერს ყრილობის თავმჯდომარე, ყველა დამსწრე საბჭოს წევრი და ხუთი ყრილობის წევრი მაინც.

§ 38. დრო და ბინა ყრილობისა უნდა იყოს გამოკვეყნებული ერთი თვის წინ ყრილობის დღემდე ოფიციალურ გაზეთში და აგრეთვე საბჭოს კურნალში; გამოკვეყნებულს დაბეჭდილს განცხადე-

ბაში სავსებით უნდა იყოს მოყვანილი ყრილობის მიერ განსახილველი საკითხები.

§ 39. ყრილობაში მონაწილეობას იღებენ მხოლოდ ყრილობის არჩეულნი რწმუნებულნი. ხმის გადაცემა დაუშვებელია ყველა საკითხი; არჩევნების გარდა ყრილობაზე სწყდება ყრილობის სურვილით კენჭის ყრით, ან ბარათების მიწოდებით, ან და წევრთა ფეხზე ადგომით. თვით ამ წესრიგის საკითხი გარდაწყდება წევრთა ფეხზე ადგომით. არჩევნები ყრილობაში მოხდება მხოლოდ ფარული კენჭის ყრით.

§ 40. ეს წესდება შეიძლება შეივსოს ან შეიცვალოს საერთო ყრილობაზე დამსწრე წევრთა ორი მესამედის ხმის უმრავლესობით მიღებულ დადგენილების თანახმად და ფინანსთა და ვაჭრობა-მრეწველობის მინისტრის მიე დამტკიცების შემდეგ.

ლვინის პან "ნ-პროექტი

1. ლვინო ეწოდება მხოლოდ ისეთს სასმელს, რომელიც წარმოშობილია ყურძნის ტკბილის ალკოჰოლში მოხდენილით ჭაჭაზედ ან ჯუჭუკოდ.

რისამე ჩამატება ამ ნაწარმში, გარდა ამავე კანონის მე 2. მუხლში მოხსენებულისა, აკრძალულია.

2. მთავრობისათვის განუცხადებლათ მემარნობაში ნება დართულია:

ა. ლვინის რჩეული და ჩვეულებრივი დედა;

ბ. ლვინის დასაწმენდი უვნებელი საშუალებანი (ჟელატინა, თევზის ბუშტი, ცილა, რძე, კახენი, ტანინი, კაოლნი ესპანეთის მიწა, კაჟის ქვიშა, აზბესტი, ცელ-ლოზა, ნახშირი);

გ. ლვინის ქვის სიმჟავე, ლიმონის სიმჟავე, ნახშირის სიმჟავე, ამონის მარილები;

დ. უღარიმხანო გოგირდი, თხიადი გოგირდიანი სიმჟავე;

ე. პასტერიზაცია;

ვ. გაყინვა კონცენტრაციის მიზნით; ზ. კუპაჟი;

ბ. მთავრობის ნებართვით განსაკუთრებულ შემთხვევებში და ექსპორტისათვის სუფრის ღვინოებში ღვინიდან მიღებულ ალკოჰოლის ჩამატება მოცულობით 12⁰/₀-მდე, იმ პირობით კი, რომ ჩამატებულ ალკოჰოლის რაოდენობა არ აღემატებოდეს 3⁰/₀-ს (სამისო ალკოჰოლი აქციზ აუხდელია).

3. აკრძალულია:

ა. ღვინოში ლიტრაზე 0,92 გრამზე მეტი გოგირდის სიმჟავის ანჰიდრიდის ტოლფასი სულფატები;

ბ. გოგირდი ჩაბოლებულ ან გოგირდიან სიმჟავერეულ ღვინოში ლიტრაზე 0,2 გრამის მეტი საერთო, — ხოლო 0,02 გრამის მეტი თავისუფალი გოგირდიანი სიმჟავე;

გ. ღვინოში ლიტრაზე 0,01 გრამზე მეტი სპილენძი;

დ. ღვინისთვის ფერის მისაცემათ მინერალურ და ორგანულ საფერავთა ხმარება;

ე. გოგირდიან სიმჟავის გარდა ისეთ ნივთიერებათა ხმარება, რომელთაც მიზნით აქეთ ღვინის დედის მოქმედების შეჩერება ან რამ ანტისეფტიკური გავლენის მოხდენა ღვინოზე (სალიცილის სიმჟავე, ბენცოეს სიმჟავე, ბოჩის სიმჟავე);

ვ. ღვინოში ორგანულ სიმჟავეთა (გარდა მცირე მუხლში მოხსენებულისა) და მათ მარილების, გლიცერინის, ხელოვნურ ტკბილ ნივთობთა (სახარინი) და სურნელობათა ჩამატება;

ზ. ღვინოში ჩამატება წყალში ხსნად ჯანმრთელობისათვის მავნებელ იმისთანა მინერალურ და ორგანულ ნივთობთა, როგორებიც არის ალუმინის—, ბარის—, სტრონიციის— და სხვა მძიმე მეტალების მარილები, გოგირდის, მჟაუნას სიმჟავენი და სხვა;

ბ. ღვინოში ან ტკბილში წყლის ჩამატება;

თ. ღვინოში ან ტკბილში შაქარის ან შაქარწყლის ჩამატება.

ი. დაქანკებულ (ლიტრ ღვინოზე 0,2 გრამზე მეტი ამქრალდი სიმკავე—ძმრის სიმკავე) და სხვა გვარათ დაავადებულ ღვინოებით ვაჭრობა;

ია. ღვინის დაყენება ჩამიჩიდან, ქაქიდან და თხლიდან;

შენიშვნა: საკუთარ მოთხოვნილებითათვის შეიძლება მხოლოდ ქაქიდგან და თხილიდგან შაქარწყლით ან მხოლოდ წყლით შამანის დამზადება არა უმეტეს 10 ვერდისა დესეტინა ვენახზედ.

იბ. სუფრის ღვინოში ალკოჰოლის ჩამატება § 2, ბ მუხლში მოხსენებულ შემთხვევის ვარდა.

4. წარმოშობის ადგილის სახელის ტარება (კახური ღვინო, კარდანახის ღვინო, გქელმინდორი, ნაფარეული, სვირის ღვინო და სხვა) შეუძლია ისეთს ღვივოს, რომელიც მართლა აღნიშნულ ადგილიდან არის წარმოშობილი. უცხოეთიდან შემოტანილი ღვინო უეჭველათ უნდა ატარებდეს თავის ქვეყნის სახელს.

5. უცხო ქვეყნების განსაკუთრებულ ღვინოების (როგორც მაგალითად: „მალაგა“ „პორტვინი“ „შამპანური“) მსგავსად დაყენებულ ღვინოებს წინერთვის სიტყვა: „ქართული“, მაგ.: „ქართული მალაგა“, „ქართული პორტვინი“, „ქართული შამპანური“.

შენიშვნა: „ქართულ შამპანურის“ და „შუშხა ღვინოების“ დამზადებისათვის საჭირო შაქრის სახმარებლათ სავალდებულოა წინასწარი განცხადება ნებართვის ასაღებად.

6. ნახშირმკავეთ გაჟღენთილ შუშხა ღვინოებს ეწოდება: „შუშხა ღვინო.“

7. მაგარი ღვინოები ეწოდება ისეთს ღვივოებს, რომელიც მიღებულია ყურძნის ტკბილის ალკოჰოლშიშობ დუღილით ქაჭახე ან უქაქოთ და ღვინიდან მიღე-

ბულ ალკოჰოლის დამატებით არა უმეტეს მოცულობის 25%-სა.

8. ტკბილი ანუ ლიკიორის ღვინოები ეწოდება ისეთს ღვინოებს, რომელიც ან შემქნარა ყურძნიდან, ან ტკბილის შესქელებით არის დამზადებული და დუღილის შემდეგ მოცულობის 18%-დე ღვინიდან მიღებულ ალკოჰოლით გაყუჩებული.

9. ეტიკეტებზე სავალდებულოა წარწერა ფირმისა და ღვინის წარმოების ადგილსა.

10. ყველა შემოთხამოთვლილი მოთხოვნილება ღვინის დამზადებისა და შედგენილობის შესახებ შეეხება აგრეთვე საზღვარ გარეთიდან ყველა შემოზიდულ ღვინოებს, თუ ამ სახელმწიფოებთან დადებული ხელშეკრულება განსაკუთრებულ უფლებას არ აკუთნებს მათ.

11. ეს კანონი გამოკიდული უნდა იყოს ყველა ღვინის საწყობებში და სავაჭროებში.

12. ამ კანონის დარღვევისთვის დაისჯება:

ა. შემჩნეული § 2.ბ., § 5, § 6, § 7, და ჯანმრთელობისთვის უვნებელ, მაგრამ კანონით ნება დაურთველ ნივთობთა ღვინოში ჩამატებისათვის

I. შემთხვევაში 10000—20000 მანეთამდე დაჯარიმებით.

II. შემთხვევაში 20000—50000 მანეთამდე დაჯარიმებით.

ბ. შემჩნეულნი § 3. ა. ბ. გ. ი. ე. ია, § 4. § 9-ში.

1. შემთხვევაში 10000—20000 მანეთამდე დაჯარიმებით და 3—14 დღემდე ციხეში დატუსაღებით.

II. შემთხვევაში 20000—50000 მანეთამდე დაჯარიმებით და 14-60 დღემდე ციხეში დატუსაღებით.

გ. შემჩნეულნი § 3. დ. ვ. ზ. ც. თ-ში

I. შემთხვევაში 20000—50000 მანეთამდე დაჯარიმებით და 14—30 დღემდე ციხეში დატუსაღებით.

II. შემთხვევაში 50000 - 100000 მანეთამდე დაჯარიმებით და 1-3 თვემდე ციხეში დატუსაღებით.

შენიშვნა 1. მე-3 მუხლის ც ში დამნაშავეთ მე II რე შემჩნევის შემდეგ და დანარჩენ დამნაშავეთ კ მე-III შემჩნევის შემდეგ მიესჯებათ უდიდესი სასჯელი და სამუდამოთ ეკრძალებათ ღვინით ვაჭრობა.

შენიშვნა 2. ყველა აღნიშნულ დამნაშავეთა ღვინო კონფისკაციის სახით სახელმწიფოს ხელში გადადის, რომელიც აღნიშნულ ღვინოებს ან სრულიად სპობს ან და სპირტის გამოსახდელად იყენებს.

პ რ ე ს ა .

გახეთ „ერთობაში“ 24 ივნისის ნომერში, მოთავსებულია წერილი კ. გაბიჩვაძის სათაურით: „ღვინის ფალსიფიკაცია“. წერილში მოყვანილია ისტორია, ღვინის კანონის გამოცემის და ცხოვრებაში გატარებისა, მეღვინე მევენახეობის კომიტეტების მოქმედებისა და სხვა.

ავტორს, როგორცა სჩანს მისი წერილიდან, ძალიან მოსწონს ძველი ღვინის კანონი და ელის მის ხელახლად შემოღებას. სხვათა შორის წერილის ავტორს თავისი აზრების განსახორციელებლად ვადაუდგამს კიდევ რამდენიმე ნაბაჯი. მას ქალაქ თბილისის მოურავი უნაზია და მიუერთმეგია წოხსენება ღვინის ფალსიფიკაციის შესახებ.

ქალაქის მოურავს დიდის ყუოადღებით მოუსმენია მოხსენება და. ავტორისავე სიტყვით, მოხსენებამდე რეზოლიუცია წაუწერია: „განხილულ და მიღებულ იყოს მალე“. მოხსენება შემდეგ სანიტარულ განყოფილებისათვის დასამუშავებლად ვადაუცით, სადაც შექმდეგი დადგენილება მიუღიათ: „რაც შეიძლება მალე აღდგენილ იქნას ღვინის კანონი“. წერილის ბოლოში ავტორი სთვლის სასურველად, რომ რაც კი შეიძლება მალე ქალაქის თავმა აღადგინოს კანონი ღვინოზე და ვადიდებულ ჯარიმებით და აღმინისტრაციული სასჯელით აილაგმოს ღვინის ფალსიფიკატორების თავგასულობა. ფართო საზოგადოება, მწარმოებელი და შეგებელი ღვინის მოვაჭრენი ელოდებიან შველასა და ხსნასა“.

ამ წერილზედ საქარო არ იყო შეჩერება, მას რომ არ ბეჭდავდეს. ისეთი ორგანო როგორცაა „ერთობა“, და ისეთი ავტორი წერილისა, როგორც სედვინე კ. გაბიჩვაძე, თბილისის მეღვინე მევენახეობის კომიტეტის ყოფილი აგენტი, რომელიც ღვინის ფალსიფიკაციას ებრძოდა და კარგად უნდა იცოდეს ღვინის კანონის ამბავი.

ღვინის წარმოებით და ვასალებით, თუ მისი ბუნებრივი შემადგენლობით დაინტერესებულია არა მარტო ქალაქის თავი, არამედ მთელა რიგი უწყებთა, როგორც: საქართველოს მევენახეთა და მეღვინეთა ყრილობებს საბჭო, მიწად მოქმედებისა და ფინანსთ-სამინისტრო, ღვინის მწარმოებელი კოოპერატივები და საზოგადოებანი და სხვა მრავალი.

როგორც საზოგადოდ ყველა კანონები, აგრეთვე ღვინისა ჯერ უნდა დამუშავდეს და გადაისინჯოს სათანადო დაწესებულებებში. რადგანაც ღვინის კანონი არის სპეციალური დარგი და არა საქალაქო მეურნეობა, მის შემუშავებას სჭირდება მრავალ მხრით სათანადო ცოდნა, გამოცდილება და დაკვირვება; დამუშავების შემდეგ კანონ პროექტი უნდა ვადაუცეს დამფუძნებელ კრებას და ეს უკანასკნელი მხოლოდ დამტკიცების შემდეგ გამოაქვეყნეს. ამიტომ ბ-ნ გაბიჩვაძეს თავის განცხადებით უნდა მიემართნა ან მიწად მოქმედების სამინისტროსათვ სან მეღვინე-მევენახეთა ყრილობათა საბჭოსთვის საშუამდგომლოთ და არა ქალაქის მოურავისთვის, რადგან მისი მოქმედება განისაზღვრება მხოლოდ ქალაქ თფილისით, სხვა ადგილას მის დადგენილებებს არა აქვს ძალა, და როგორც ვიცით, ღვინის კანონით კა დაინტერესებულია მთელი საქართველო.

აქვე დაინტერესებულთა საყუოადღებოთ უნდა აღვნიშნოთ, რომ მეღვინე მევენახეთ ყრილობათა საბჭომ უკვე დაიმუშავა ღვინის კანონ პროექტი, რომელიც ამ მოკლე ხანში წარედგინება სათანადო დაწესებულებებში განსახილველათ და დასამტკიცებლად.

ნარ-ზენ.



კოოპერატიული სასოგადოება

„კასეთი“

სასოგადოება „კასეთი“ აწესდებდა 1895 წლიდან და ამჟამად 246 მევენახე ითვლება წევრად. სასოგადოება „კასეთი“-ს წევრობა შეუძლიან ეველა კახელ მევენახეს და აგრეთვე ეველა მას, ვინც-კი ჩააბარებს სასოგადოებას ნამდვილ კასურ ღვინოს ეოველ წლივ.

მთავარი კონტორა სასოგადოება „კასეთი“-სა მოთავსებულია თბილისში, დამუშენებელ კრების ქუჩა № 5. ტელეფონი № 13—23, სოლო სარდაფი გოგოლის ქუჩასე № 63, საკუთარ შენობაში. ტელეგრაფით მისამართი: თბილისი კასეთი.

სასოგადოება „კასეთი“-ს მთავარი საწევობები კასეთში ორ ალაგას არის მოწვობილი: თელავში „კასეთი“-ს ბიურო ალექსანდრე მავაშვილთან და კარდანახში, „კასეთი“-ს ბიურო ნიკოლოზ დარბაზილთან.